

道教典籍選刊

太平經合校

下

王明編



中華書局

道教典籍選刊

太平經合校

下冊

王明編

太平經合校卷九十二 己部之七

太平經卷之九十二

* 三光蝕訣第一百二十三

經五十二上二四

〔并〕鈔已四下九

「請問天之圖三(一)光，何故時蝕邪(二)？」善(三)哉！子之所問。是天地之大怒(四)，天地戰鬪不和(五)，其驗見效於日月星辰(六)。然亦可(七)蝕，亦可不(八)蝕，咎在陰陽氣戰鬪。何(九)故戰鬪乎？「陰陽相奸，遞諍(一〇)勝負(一一)。夫陰與陽，本當更(一二)

(一)三上鈔有「大集雜問天地毀起日月星蝕人烈死萬二千國策符子開神文」二十五字，係本卷末篇篇旨，見本卷末。符子係「符字」之訛，又本卷所有鈔文，應在鈔己部十六葉上二行十一字之後，蓋係錯簡。(二)時蝕邪鈔作得蝕也。(三)鈔無善下七字。(四)怒原作怨，疑譌，今依鈔改。(五)和原作知，疑譌，今依鈔改。(六)辰鈔作曆。(七)鈔無可字。(八)可不鈔倒作不可。(九)鈔無何下五字。(一〇)遞諍鈔作迭爭，遞，迭也。諍通作爭。(一一)負鈔誤作服。(一二)當更二字鈔作合。

〔并〕鈔己五：六二六

經九二：二七·一

相利祐，共爲〔一〕和氣，而反戰鬪，悉過在此不和調。〔二〕如使和調不蝕〔三〕，亦〔三〕當不蝕邪？〔四〕然，大洞上古最善之時，常〔四〕不蝕，後〔五〕生彌彌，共失天地〔六〕意，遂使〔七〕陰陽稍稍不相愛，故至〔八〕於〔九〕戰鬪〔一〇〕。子以吾言不然也。子使德君〔二〕案行吾文，盡得其意，戰鬪且止，小得其意，小止；半得其意，半止。凶如不力行，固困耳。請問：「夫日月蝕，以何時運相逢邪？」「噫！子其愚哉！真人正復更發天怒，今真人以何知爲時運邪？」「愚生見其同處也。」「冥冥哉，子之心也，其暗冥何劇也。審若子言，運相逢也。」「何故於一年之間日月蝕，無解矣。或連歲不蝕，運何以然。起帝王多行道德，日月爲之不蝕，星辰〔三〕不亂其〔三〕運。何以然哉？又天性，陰陽同處，本當相愛，何反相害耶？又陰陽本當轉相生，轉相成功，何反相賊害哉？」「是子之愚也。子欲知其實，比〔二〕若人矣。人常〔三〕相厚，久不相覩，一〔二〕相得逢遇，大〔七〕喜，則更〔八〕相祐利，相譽相明〔九〕，及〔三〕其素相與不比也，卒相逢便戰鬪〔三〕。凶大不比，鬪死而已；小不比，小鬪。」「可駭哉！可駭哉！愚生已解矣。請問：今日乃太陽，火之精神也；月乃太陰，水之精神也。今水火不同處，自相遭逢則相滅，何謂也，不比邪？」「善哉！子言得其意。然水火各以其道，守其行，皆相得，乃立功成事。比若

五行，不可無一也，皆轉相生。子欲知其實也，比若五藏，居人腹中，同一處。心乃火也，腎乃水也，豈可為同處，而日相與戰鬪相蝕邪？子寧解知不乎？」唯唯。愚生已覺矣。」是故和平氣至，三光不復戰鬪蝕也。三光不相蝕，乃後始可言得天地之心矣，以是為證。故欲自知優劣，行道德，未俱觀此天證，而聚衆文，言同處相蝕。是者但記同愛之文，未深得之意也。正使有神文言，天乃未深見其情實也。子知之耶？」唯唯。「行，子已覺矣。吾文出之後，帝王德君思此天意，勿忘此言，此言所以致得天心之文也。如得天意，命乃長全也；不得天意，亂命門也；行而不稱天心，亦大患也。初上古以來，衆聖帝王以此為戒，深記吾言，結於胸心，乃微言可見，道可得也。以付上德之君，以救三光之鬪蝕也。」唯唯。「行去，辭小竟。疑，復

- (一) 為鈔作生。
- (二) 蝕下鈔有也字。
- (三) 亦下八字鈔無。
- (四) 常下鈔有在字。
- (五) 鈔無後下五字，但有中古漸三字。
- (六) 地下鈔有之字。
- (七) 鈔無遂使二字。
- (八) 至鈔作致。
- (九) 鈔無於字。
- (一〇) 鈔脫鬪字。
- (一一) 子使德君，鈔作使有德之君。
- (一二) 辰鈔作曆。
- (一三) 其下五十字，鈔無。
- (一四) 比下四字鈔作比之。
- (一五) 常鈔作先有二字。
- (一六) 一下五字鈔作相觀二字。
- (一七) 大上鈔有當字。
- (一八) 則更二字，鈔作必能。
- (一九) 鈔無相鬪相明四字。
- (二〇) 及下八字鈔作及先不相與比。
- (二一) 鬪下鈔有矣字。

來問之。「唯唯。」

萬二千國始火始氣訣第一百二十四

請問：「天下共日月，共斗極，一大部乃萬二千國，中部八十二域，分爲小部，各一國。德優者張地萬二千里，其次張地廣從萬里，其次九千里，其次八千里，其次七千里，其次六千里，其次五千里，其次四千里，其次三千里，其次二千里，其次千里，其次五百里，其次百里。此乃平平之土，德優劣之所張保也。德劣者，乃或無一平之土，悉有病變，令一國日月戰蝕，萬二千國中，寧盡蝕不？斗極不明，萬二千國寧盡不明不乎？」善哉！深邪遠邪眇邪！子所問也。何故正問此變今怪，一國有變，萬二千國何譽，當復有變者邪？」怪之，不及天師問，恐終古無以知之，故問之也。「善哉！子之所疑，可謂入道矣。一國有變，獨一國日不明，名爲蝕；比近之國，亦遙覩之，其四遠之國，固不蝕也。斗極凡星不明，獨失其天意者不明，其四遠固不蝕。」今請問於何障隱而獨不明邪？」噫！子固童蒙未開也，類俗人哉。今是天與地，相去積遠，是其失道無德之國，下邪氣共上蔽隱天，三光各以其類上行，使其不明。比若霧

中之處，其三光獨不明，無霧之處，固大明也。子欲重知之，陰處獨不見，月蝕，陽處獨見日蝕。子欲重知其審實，比若今年太歲在子，有德之國獨樂歲，無德之國獨凶年。今是俱共一國一歲，共一年，而其吉凶異。比若人俱共一天一地，其安危處，異俗不同。子知之邪？」「唯唯。善哉善哉！」「今是日月運照，萬二千國俱共之，而其明與不明者處異也。有道德之國，其治清白，靜而無邪，故其三光獨大明也，乃下邪陰氣不得上蔽之也。不明者，咎在下共欺上，邪氣俱上，蔽其上也。無道之國，其治汗濁，多奸邪自蔽隱，故其三光不明矣。子欲重知其審，比若翕目視日，與張目視日，比若善張目視日，與蒙薄帛視日，正此也。寧解不邪？」「唯唯，可駭哉！可駭哉！」「子知駭是，則得長生矣。」「唯唯。」「其且凶衰之國，三光盡不明。比若盲人，而獨不覩三光明；三光自若，以其人盲，獨不見之矣。比若年盛者，獨覩三光明，年老者獨不覩三光明，是其盛衰之效也。悉寧解邪？」「唯唯。行去矣。請問一絕訣說何等也，今不審知一者，何等也？」「噫，真人守文極多，何故為疑此邪？今眩冥也。子知守一，萬事畢。子何問眇哉？宜思其言。」「唯唯。」「一者，心也，意也，志也。念此一身中之神也。凡天下之事，盡是所成也。自古到今，賢聖之化，盡以是

經二本上一二
〔并〕鈔三下二二

成器名，以其早知，學其心意，志念善也，守善業也。愚者盡凶是也，以其守學之以惡業也。天地之性，岐行萬物悉然，故在師學之，壽可得也，在學何道，天地可按也。聚衆人億萬，不若事一賢也。衆愚億萬，但可疾凶敗耳。審能守一賢身，何害有身者。不能還自鏡照，見念反還鏡身。志念遠即身疾，衰枯落務，志念近則身有澤。凡志念所成衆多，不豫記之，天下之事悉是也。子知之邪？「唯唯。」願請問旱〔二〕凍盡死，民困飢寒〔三〕烈而死，何〔三〕殺也？「此者，皇天太陽〔四〕之殺也，六陽俱〔五〕恨，因能〔六〕爲害也。」何謂邪〔七〕？「願〔八〕聞之。」「然，六方洞極〔九〕，其中大剛〔一〇〕，俱恨〔一一〕人久爲亂惡之，故殺〔一二〕也。其害於人何哉？無有名字也〔一三〕。但逢其承負之極，天〔一四〕怒發，不道人善與惡也，遭逢者，即大凶矣〔一五〕。子〔一六〕欲知其實，比若人矣〔一七〕。人大忿忿〔一八〕怒，乃忿甲善人，不避之，反〔一九〕賊害乙丙丁〔二〇〕。今〔二一〕乙丙丁〔二二〕何過邪〔二三〕？而逢人怒發，天〔二四〕之怒發亦如此矣。故承負之責最劇〔二五〕，故使人死，善〔二六〕惡不復分別也。大咎在此〔二七〕。故吾書應天教，今欲一斷絕承負責也。天其爲過深重，多害無罪人，天甚憂之。故教吾勸真人，以書付上德之君，令惡邪佞僞人斷絕，而天道理。子知之邪？「唯唯。」願請問天地開闢以來，人或列病而死盡，或

水而死盡，或兵而死盡，願聞其意，何所犯坐哉？將悉天地之際會邪？承負之厄耶？「然古今之文，多說爲天地陰陽之會，非也，是皆承負厄也。天氣中和氣怒，神靈戰鬪，烈病而死者，天伐除之；水而死者，地伐除之；兵而死者，人伐除也。」願聞烈病而死者，何故爲天殺？「天者，爲神主神靈之長也，故使精神鬼殺人。地者，陰之卑；水者，陰之劇者也，屬地；陰者，主懷妊。凡物懷妊而傷者，必爲血，血者，水之類也，懷妊而傷者，必怒不悅，更以其血行汗傷人。水者，乃地之血脈也，地之陰也。陰者卑，怒必以其身行戰鬪殺人。比若臣往捕賊，必以其身行捕取之也。不得若君，但居其處而言也。中和者人主之，四時五行共治焉，人當調和而行之。人

- (一) 旱下鈔無凍字，但有而字。
- (二) 寒下原有而字，疑衍，今依鈔刪。
- (三) 鈔無何下三字。
- (四) 皇天太陽，鈔作太陽皇天。
- (五) 俱鈔作具，具通俱。
- (六) 鈔無能字。
- (七) 邪鈔作也。
- (八) 鈔無願下四字。
- (九) 六方洞極，方字原作萬，今據鈔改。洞字鈔誤作相。
- (十) 剛鈔作綱。
- (十一) 鈔無恨字。
- (十二) 殺下原有其字，疑衍，今依鈔刪。殺下原無也字，今依鈔增。
- (十三) 鈔無也字。
- (十四) 天鈔誤作大。
- (十五) 吾矣鈔也。
- (十六) 鈔無子下五字。
- (十七) 鈔無人矣二字。
- (十八) 乙鈔無忿字。
- (十九) 反鈔作乃。
- (二十) 鈔無丙丁二字。
- (二十一) 鈔無今字。
- (二十二) 鈔無丙丁二字。
- (二十三) 邪鈔作也。
- (二十四) 鈔無天下五字。
- (二十五) 割鈔作極。
- (二十六) 鈔脫善字。
- (二十七) 此上鈔有於字，此下鈔有矣字。

失道不能順，忿之。故四時逆氣，五行戰鬪，故使人自相攻擊也。此者，皆天地中和，忿忿不悅，積久有病悞悞，故致此。「善哉！嚮不力問，無從知之也。願聞此悉承負之厄，乃忿三氣，其不承負之時，人死云何哉？」然人生有終，上下中各竟其天年，或有得真道，因能得度世去者，是人乃無承負之過，自然之術也。子知之耶？」「唯唯。」「行，子曉哉！乃一旦而相隨死者，皆非命也。是乃天地中和四時五行戰怒伏殺效也。」「善哉善哉！嚮不及天師問，無緣知是也。」「故天地開闢以來，常有此厄也，人皆不得知之。今甚病之憂之，人多無罪而死，上感天。天故遣吾下，爲其具言，已行吾天文之後，人民萬物且各以其壽命死，無復并死之會也。」「善哉善哉！」「後生各得其命矣。真人知之邪？」「唯唯。請問卽非天道時運周而死，何故常以天地際會而亂哉？五行際會而戰邪？五帝之神歷竟而窮困邪？」「噫，善哉！真人之難也。今天且使子問邪？其投辭乃入天心讖，其何一要訣哉？吾甚嬉之。今是真若子言，今爲子具條解之。今諸真人遠來，爲天地具問事，乃爲天地開闢以來帝王問疑，宜安坐聽吾辭。」「唯唯。」「然夫天之爲法，人民萬物之爲數也。比若四時之氣，但當更相生成，相傳而去。比若人生，少者後當老長，更迭相傳而去。不當乃道

鬪戰，因絕滅世類也。所以道戰水旱癘病死盡者，人主由先王先人獨積，稍失道心意，積久至是際會，即自不而自度，因而滅盡矣，既滅盡無餘種類。夫天地人三統，相須而立，相形而成。比若人有頭足腹身，一統凶滅，三統反俱毀敗。若人無頭足腹，有一亡者，便三凶矣。故人大道大毀敗天地，三統滅亡，更冥冥憤憤，萬物因而亡矣。夫物盡，又不能卒生也。由是失幾何，滅絕幾何，更起或即復，或大久大敗，久乃能復也，故小毀則疾復也。子欲重知其審實，令後世德君察察，知天地冤不之大效。比若家人治生，有畜積多者，雖邂逅逢承負凶年不收也，固固而自存。大多畜積之家，雖連年遭惡歲，猶常活。小有畜積之家，遭連年不收，餓而死盡。常貧之家，遭一年凶，便盡死。不而自度出也，因而無世。天道有格法，運非際會也。比若夏秋當力收，冬春當坐食成事；夏秋不善力收，冬春當餓死滅盡。古者聖人天書，因此共記爲際會也。真人欲知之如此矣。今太平氣至，當常平，不當復道際會死亡者也。夫天命帝王治，故覺德君。凡民爲其道事，要使一覩覺知如此矣。嚮使先生凡民人常守要道與要德，雖遭際會，不死亡也。夫天命帝王治國之法，以有道德爲大富，無道德爲大貧困。名爲無道無德者，恐不能安天地而失之也。先生稍稍共廢

絕道德，積久復久，乃至於更相承負，後生者被其冤毒災劇，悉應無道而治。至於運會滅絕，不能自出，大咎在此。子知之邪？二唯唯。可駭哉！可駭哉！」行復更曉眞人一語。夫道德與人，正天之心也，比若人有心矣，人心善守道，則常與吉；人心惡不守道，則常衰凶矣。心神去，則死亡矣。是故要道與德絕，人死亡，天地亦亂毀矣。故道使天地人本同憂同事，故能迭相生成也；如不得同憂同事，不肯迭相生成也，相憂相利也。故道德連之使同命。是故天地觀人有道德爲善，則大喜；見人爲惡，則大怒忿忿。眞人豈解邪？「唯唯。可駭哉！愚生甚畏之。」子知畏之，則可長生無凶矣；不知畏之，則天已易去子矣，宜重慎之。「唯唯。」行復重曉眞人一解。今是吉凶之行，比若道德禮義與刑罰矣。人而守其道德禮義，則刑罰不起矣；失其道德禮義，則刑罰興起矣。故守善道者，凶路自絕，不教其去而自去；守凶道者，言路自絕。此猶若日出而星逃，星出而日入，不失銖分。「善哉善哉！」今曉眞人大訣言也。今世人積愚暗甚劇，傳相告語，言時運周有吉凶，如此言，爲善復何益邪？爲惡何傷乎哉？乃時運自然，力行善，復何功邪？而吉者聖人常承天心，教人爲善，正是也。言時運，而反共亂天道者，是辭也，使天地常不悅喜。實人行致

之，反言天時運自惡。不肯自言惡，反意天地爲惡。比若人家不孝惡子，不肯自言惡，反言父母惡，此之謂也。故天常苦忿忿悒悒，因是運會者，殺之鬪之，樂易其世類也。嚮不但當相隨，老者去，少者長，各以其年命窮變化，比若天地開闢以來，人形變化不同是也。「善哉，愚生以一大解於是，古今人形雖異而氣同。」子欲重知其審，比若四時氣，五行位，雖不同受，內同氣轉相生成。猶若人頭足不相似，內反合成一人也。「善哉善哉！」今復重曉真人一言。天積疾，人爲惡，反常言時運凶。上皇氣至，當助德君治，恐時人行不改良，爲惡行以亂正氣，毀天寶，故遣吾下，爲德君出文，以曉衆人，使共常按吾文爲行，不復共愁天地而不犯天禁。自是之後，行吾天文，使神助德君治。犯者誅之，人不誅之，神且誅之。子知邪？「唯唯，不敢犯也。」行，辭小小竟。凡書自思其要。「唯唯。請問天師（二），萬二千國之策符（三）各異意，皆（三）當於何置之？各隨其國俗，宜以何爲始？以斗極東南火氣起。願聞其意訣，何也？」火者，陽也，其符今（四）主天心。和者主施，開者主通，明者主理

經五·三五·二

〔并〕鈔已全·二

〔一〕鈔無天師二字。

〔二〕鈔無符字。

〔三〕皆鈔誤作比。

〔四〕今鈔作令。

凡事(二)。火者爲心，心者(三)主(三)神，和者可(四)爲化首，萬事將興，從心起。心者主正事，倚仁而明，復有神光。萬二千國殊策一通，以(五)爲文書上章，天(六)氣且自隨而流行，真人自勵(七)興之。子(八)勿逆之，子喪，乃天(九)樂出書，故使吾言。子乃不信吾言也，求信於子之身也。子行之而災日除，是天樂行之喜也，故災除也。子不行而多疾災，是天忿忿悒悒，子留難其道也。火凶勿問於人，取效於此，明於日月。天意所欲爲，子不可不慎也，不行不順，令使人心亂也。真人慎之。「唯唯。」「行，復誠真人一言。天不欲行，子獨行之，且病之。吾文以此爲信，自是之後，亦皆然。文已復重，不復多言益文，使道難知。」唯唯。「行，重復誠子一言，此災病，非一人過也，其所從來久遠，勿反卒害之。但當行天道，以消亡之耳。如是者，所謂得天心意矣。不如吾文言，復枉急其刑罰，災日多，天不悅喜。真人知之邪？」唯唯。」

火氣正神道訣第一百二十五

「請問古者火行，同當(一)太平，而不正神道，今(二)天師獨使令火行正神道，何

也？「善哉！子之問也。是故百人百意，千人千意，萬人萬意，用策不同各殊異，故多不得天心意。眞人言是也。今乃火氣最盛，上皇氣至，乃凡陪。古者火行，太平之氣後，天地開闢以來，未嘗有也。」夫火氣盛者，必正神道，何也？願聞其意。「然，夫火者，乃是天之心也。心主神，心正則神當明。故天使吾下理神道也。」夫神道已自神，何必當理之邪？「善哉，子之言。夫神，乃天之正吏也。今邪神多，則正神不得其處，天神道內獨大亂，俱失其居。今天氣不調，帝王爲之愁苦，而人又不得知其要意。子欲樂知其也，此比若人矣。今邪人多居位，共亂帝王之治。今使正人不得其處，天

〔一〕鈔無凡事二字。

〔二〕鈔無心者二字。

〔三〕主鈔譌作王。

〔四〕鈔無可字。

〔五〕鈔無以字。

〔六〕天鈔作元。

〔七〕勳鈔作屬。

〔八〕子下六字鈔作吉逆之喪。

〔九〕乃天鈔作天乃。

〔一〇〕當

原作嘗，疑誤，今依鈔改。

〔二二〕今鈔譌令。

〔二三〕鈔無善下三十九字。

〔二四〕鈔

無乃下二十三字。

〔二五〕鈔無願下五字。

〔二六〕鈔無是字。

〔二七〕心下六字鈔作「心主神當今明」。

今明二字疑傳寫顛倒。「今」字應與下文「天氣不調」爲句。

〔二八〕鈔無今字，疑誤入上文。

〔二九〕鈔

無又字。

〔三〇〕鈔無意字。

〔三一〕鈔無樂字。

〔三二〕鈔無其下四字。

〔三三〕鈔無比字，比下若字鈔譌

作苦。

〔三四〕矣鈔作耳。

〔三五〕今鈔譌令。

〔三六〕共鈔作則。

〔三七〕今鈔譌令。

〔三八〕鈔無其字。

經卷九十二

地爲其(一)邪氣失正。夫邪(二)多則共害正，正多則共禁止(三)邪，此二者，天地自然之術也。子知之邪？故令太陽最盛，未嘗有也。陽者稱神，故天爲神。陰者稱邪，故奸氣常以陰中往來，不敢正晝行；奸而正晝行，爲名陰乘陽路；病而晝作，名爲陰盛興，爲陽失其道，君衰間爲是久矣。故天道吾正神道也，令使不敢復爲也。子知之耶？「唯唯。善哉善哉！」

洞極上平氣無蟲重複字訣第一百二十六

〔并〕鈔已卒七：〔圖〕請問洞極上平氣至無不治(四)，故天師乃考疽疥蟲食人也。今(五)獨以(六)此驗之邪(七)？其(八)其餘蟲云何哉？「善哉！真人今日問事也。天疾是教子問此邪？天甚疾人爲惡，猾吏民背天逆地，共欺其上，獨陰伏爲奸積久，如蟲食人也，天毒惡之。故使子反覆問之。然蟲食人，圖所謂蟲而(九)治人也。其爲災最甚(九)劇，逆氣(十)亂正者(十一)也。今皇平氣至，不宜有此應。真人(十二)付德君(十三)，欲知道洞洽，未令民間悉移蟲主名，大小爲害之(十四)屬何也？謂疽瘍傷(十五)疥，盡(十六)從腹中三蟲之屬，皆移主名。其(十七)移大多者，固固下多蟲治人。此蟲無者，下無蟲治人。此少者，少蟲治

〔并〕鈔已卒八七

人。〔善哉！〕小生愚暗，觀此以為天性也，故反應治邪？〔子其愚，何一劇痛也。夫天地之性人為貴，蟲為至賤，反乃俱食人，是為反正。象賤人無道，以蟲食人。故天深見其象，故使賢聖策之，改其正也。凡災異各以類見，故古者聖賢得知之。若不以類目，不可思策也。所以逃匿於內者，象下共為奸，而不敢見於外。外者，陽也。陽者，天也，君也。天正帝王也。故蠱逃於內而竊食人，象無功之臣，逃於內而竊食人也。〕可駭哉！愚生甚畏之。〔子知畏天，固是也；若不畏天，早已死矣。〕眞人慎之。〔唯唯。是故古者為治，神者致眞神為治，鬼者致鬼為治，物者致物為治，蟲者治。〕蟲為治，何畏也？願聞之。〔然神者動作，與天合心，與神同意。故神者，天之使也，天愛之。鬼者動作，避逃人所，鬼倚陰中，竊隱語似鬼，故致鬼。〕

〔一〕鈔無其字。 〔二〕邪下鈔有氣字。 〔三〕鈔無止字。 〔四〕至無不治四字，鈔作主治。 〔五〕

鈔無也今二字。 〔六〕鈔無以字。 〔七〕鈔無邪字。 〔八〕而下四字鈔作食人二字。 〔九〕甚鈔誤

作其。 〔一〇〕鈔無氣字。 〔一一〕鈔無者字。 〔一二〕鈔無眞人二字。 〔一三〕付德君鈔作付有德之君。

〔一四〕鈔無之下五字。 〔一五〕鈔無厲傷二字。 〔一六〕鈔無盡字。 〔一七〕鈔無其下三十字，但有「此蟲無

不有名少耳」八字。 〔一八〕鈔無而竊二字。 〔一九〕也鈔作矣。 〔二〇〕鈔無可下二十三字，但有「深可

畏之不畏之則至於大害矣」十三字。 〔二一〕治疑當作致